



Universitätsbibliothek Paderborn

Domus Æternitatis

Reserata, Et Ad Ingrediendum Quotidie Memorïæ cogitationibus,
Intellectûs considerationibus, ac voluntatis affectibus Aperta ; Serviet
quoque pro Concionibus; uti & pro Exhortationibus, in Agoniae Domini
Sodalitatibus

Dirckinck, Johann

Coloniae Agrippinae, 1713

Consideratio 1. Domus æternitatis.

[urn:nbn:de:hbz:466:1-50597](https://nbn-resolving.org/urn:nbn:de:hbz:466:1-50597)

Januarii 1.

CONSIDERATIO I.

Domus æternitatis.

Ibit homo in Domum æternitatis sua.

Eccles. c. 12. 15.

1. Die Januarii.

I. **C**onsidera, in primis Christiane Lector, priorem dictæ sententiæ, partem: *Ibit homo*, id est omnis homo *ibit in Domum æternitatis*, omnis, à primo, ad novissimum; à summo, ad infimum; omnis, omnis; nemo excipitur, Xerxes Rex potentissimus, ut refert S. Hieronymus: cùm de sublimi loco, infinitam hominum multitudinem, & innumerabilem vidisset exercitum, flêsse dicitur, quòd post centum annos, nullus eorum, quos tunc cernebat, superfuturus esset. O si possemus, subdit S. Doctor, ascendere in talem speculam, de qua universam terram, sub pedibus nostris cerneremus! jam tibi ostenderem totius orbis ruinas; gentes gentibus & regnis regna collisa; alios torqueri, alios necari; alios absorberi fluctibus; alios ad servitutes trahi; hinc nuptias.

A 2

ibi

4 *Domus æternitatis. Consideratio*
ibi planctum; illos nasci, istos mori; & non
Xerxis tantum exercitum; sed totius mun-
di homines, qui nunc vivunt, in brevi spatio
defuturos. Ac domum æternitatis suæ in-
gressos. S. Hierony. in epitaph. Nepot.

II. Ita est; hic est cursus mundi, *Omne*
morimur & quasi aquæ dilabimur in ter-
ram. 2. Reg. 14. 14. Omnes judicamur
omnes in domum æternitatis proficisci-
mur. Percurre omnes mundi ætates, &
hujus rei veritatem cernes. In primæ
mundi ætate, ab Adamo, usque ad dilu-
vium, fluxere anni 1656 & in his vixerunt
multi hominum milliones; omnesque
iverunt in domum æternitatis. Adam vixit
annis 930. & mortuus est; Methusalem
vixit annis 969. & mortuus est; Seth vixit
annis 912. & mortuus est: atque ita reli-
qui similiter, iveruntque tandem omnes
in domum æternitatis.

III. In secunda mundi ætate à dilu-
vio, usque ad Abraham, transiêre anni
292. In tertia, ab Abraham usque ad
Moysen, & exitum Hebræorum ex Æ-
gypto, anni 505. In quarta (ut com-
putat S. Gregorius hom. 19. in Evang.)
à Moysen

Januarii 1.

5

à Moÿse ad Christum, anni 1500. & in hisce ætatibus, vixere multi hominum milliones, omnesque migravere in domum æternitatis. A Christi Dominitem-pore usque huc fluxere anni 1712. in quibus multæ hominum extitere myria-des, & hodiedum vivunt facile (ut Geo-metræ computant) mille milliones, om-nesque partim ivere, partim eunt, par-tim ibunt, tecum & mecum, in domum æternitatis.

Actus fidei.

CRedisne hoc, mi Lector? Credo, in- quis, quia hoc clamant Propheta; hoc prædicant Apostoli; hoc scribunt Evangelistæ; hoc ipse Christus Sapia- & Veritas æterna testatur, unà cum Ec- clesiasse: *Ibit homo in domum æternitatis sue, l. c.* sed si id credis, ubinam præpa- ratio? ubi dispositio? ubi ad iter tam longinquum & mansionem æternam subsidiorum & annonæ comparatio? **R**omam profecturus, licet non diu illic substiturus, quàm sollicitè vestes, num- mos, equos, currus & alia conquiris; &

A ;

pro

¶ *Domus eternitatis: Consideratio*
pro itinere ac domo æternitatis quantum
lum præstas? Scilicet hæc est filiorum ho-
jus sæculi prudentia, seu potius stultitia.
Omnes sumus in minimis cauti, in maxi-
mis negligentes, quia ubi vera vita sit, igno-
ramus. S. Hierony. L. de hom. perf.

O R A T I O

Pro felici æternitate

Considerationi, quotidie subjungenda

OMnipotens sempiterne Deus, qui
nos in beatæ ac damnatæ æterni-
tatis bivio collocasti: quæsumus clemen-
tiam tuam; ita vitam nostram mortalem
dirige; ut vitatâ viâ latâ perditionis,
damnatione perpetuâ, salutem æternam
feliciter consequamur. Per Dominum
nostrum Jesum Christum filium tuum &

2. Januarii.

I. **C**onsidera deinde *Domum eterni-*
tatis, in quam tu, & omnis homo
abit. Domus, quam modò incolis, non
est domus tua, sed hospitium, aut taber-
naculum: paulò post enim morieris,
non vives; atque ab ipsis amicis tuis, fo-

tores

coram tuum pertasis, effereris, ad cæmi-
 terium: & quænam erit ibi domus tua?
 sepulchrum. Nam textus Chaldæus ha-
 bet, *Ibit homo in domum sepulchri sui.* Cui
 consonare videtur David, inquiens: *se-
 pulchra eorum, domus illorum in æternum.*
 Psal. 48. 12. Verùm nec sepulchrum
 propriè domus æternitatis tuæ est: quia
 in illo non semper manebis, nec in illud
 ibis; sed ab aliis deportaberis.

II. Quænam igitur est *Domus æternita-
 tis*? Audi S. Augustinum, in Psal. 26. &
 131. *Domus dicitur vita aterna, ubi sem-
 per manebimus. In ista peregrinatione, di-
 citur quidem domus; sed propriè taberna-
 culum appellatur: tabernaculum peregri-
 nantium, & quodammodo militantium &
 adversus hostes pugnantium est. Ergo hie
 tabernaculum, ibi Domus. Quamdiu ergo
 habemus hostem, cum quo pugnemus, ta-
 bernaculum Deo facimus; cum autem
 transierit tempus pugnae, & venerit pax il-
 la, qua præcellit omnem intellectum, & pa-
 tria; jam domus erit: quidem dicitur de
 domo illa: *Beati qui habitant in domo tua
 Domine, in secula seculorum laudabunt te.**

8 *Domus aternitatis: Consideratio*
In tabernaculo adhuc gemimus, in domo
laudabimus; quia gemitus est peregrinatio
tium, laudatio, iam in patria & in domo
commorantium. Sed & alia est domus a-
ternitatis reproborum.

III. Utra verò tibi obtinget *Domus*
aternitatis? Aut cœlestis; si Mundum, Car-
nem, ac Diabolum deviceris; aut infe-
rnalis; si devictus, prostratusque fueris.
tertia enim aternitatis Domus pro-
nusquam reperitur. Alterutra igitur tibi
est longè certissima. Utraque autem
æterna: quia secundum Dei decretum a-
ternum, nec tempestate evertetur, nec
igne absumentur, nec vetustate collabi-
tur, nec ab ullo unquam diruetur; sed
læsa perstabit in æternum. Ah! quid
hoc, in æternum? Cogita tot annorum
myriades, quot sunt arenæ, in cunctis
mundi montibus; cogita tot sæculorum
milliones, quot fuerunt guttæ, in aqua
diluvii, totum terrarum orbem inun-
dantibus; & adhuc nihil vel con-
cepisti, vel ademisti de
æternitate.

Affe

Affectus doloris.

O DEUS æterne! quàm doleo, me tam rarò hæctenus cogitasse de domo æternitatis! Quàm deploro, me centies magis sollicitum fuisse pro tabernaculo; quàm pro æterna domo? Ah! quid est habitare in domo mala, vel bona; commoda, vel incommoda in æternum? Est id quod nunquam finem habebit, nunquam, nunquam; sed quod innumerabilibus durabit sæculis, nec unquam cessabit durare. O anima! si tanto molimine caves, ne domus tua, magnis exstructa impensis, collabatur ex stillicidiis; aut lite perditâ, occupetur ab adversariis; aut diripiatur, evertaturve à militibus; quantâ sollicitudine opus erit, pro domo beatæ æternitatis?

3. Januarii.

I. Xpende denique ultima dicti thematis verba; Ibit homo in domum, æternitatis suæ. Per quæ Spiritus sanctus erudire nos voluit, i. ne fortè cogitaremus, domum quidem fore æternam, at non habitationem: sed ut sciremus, & in-

A S colam,

10 *Domus aternitatis: Consideratio*
colam, & domum, & inhabitationem
fore æternam: sicut non tantum ignis, in
inferno, æternus erit; sed etiam combu-
stio. Dabit enim ignem & vermes, in car-
nes eorum, ut urantur; & sentiant usque in
sempiternum. Judith. c. 16. 21. Deinde
de quemadmodum hic, quilibet sibi do-
mum vel emit, vel construit; atque ita
sibi propriam reddit, ac suam facit; ita
unumquemque mortalem oportere sibi
vel emere, vel ædificare in hac vita, do-
mum æternitatis.

II. Veluti ille in Evangelio, qui inven-
it unam margaritam pretiosam, vendidit omnia
que habuit, & emit eam. Matth. c. 13. 46
Ita quoque volens domum ac margari-
tam pretiosam æternitatis sibi coemere
vendit omnia, quæ habet; omnia deserit
saltem affectu, amorem inordinatum
exuit, omnia despicit; ut emit eam: qui-
libet autem emit sibi domum æternitatis
felicis oratione, emit jejunio, emit elee-
mosynâ, emit paupertate spiritûs, emit
abnegatione sui; ut hac ratione in domo
cœlesti, vitam æternam possideat. Sicut
ex adverso, domus æternitatis infelicis,
adul-

adulterinâ peccatorum, scelerumque monetâ acquiritur, & possidetur. Visne scire, quam tu tibi coëmas? attende ad monetam, quam exponis. Qualis enim pecunia, talis merx.

III. Unusquisque etiam, in hac vita, domum æternitatis sibi fabricat, quam postmodum inhabitet: quot opera bona peragit, quot virtutes exercet: tot quasi lateres & lapides, pro domo beatæ æternitatis locat, & calce charitatis illinit ac conjungit. Atque ita domus præclara exurgit, quæ usque ad cælum ascendit: Quod est fastigium construenda fabrica, quam molimur? Quò perventurum est cacumen edificii? citò dico, usque ad conspectum Dei. ait S. Aug. ser. 10. de verb. Dom. E contrario: quot impius crimina, quot opera mala patrat: totidem pro domo æternitatis suæ damnatæ, saxa saxis imponit; tot ligna & tigna, tot postes & trabes, domûs æternùm flagraturæ, construit: atque ita quisque in hac vita

Domûs æternitatis suæ, faber & architectus est,

Affectus compassionis.

Quam felix est, qui assidue beata
 æternitati laborat & fabricat! Quam
 cheu! infelix est, qui tempus nobile Do-
 mui cœlesti ædificandæ concessum, æter-
 no carceri sibi exstruendo insumit! O
 quam compatior illi, uti & tot millioni-
 bus, prô dolor! triplo majorem, quam
 pro cœlo opus esset, inferno sibi fabri-
 cando, laborem impendentibus! qui
 enim non agunt, quid non sustinent im-
 pii; ut superbiæ, iræ, avaritiæ, gulæ &
 luxuriæ suæ faciant satîs? Verè martyre
 diaboli, carnifices sui, architecti inferni.
 Habe velut oraculum, dictum S. Vin-
 centii Ferrerii: *In paradiso nullus invenit
 domum, ad quiescendum; nisi in hoc
 mundo sibi ædificet.* Serm. 1.

Fer. 2. post oc.



CON.